

შენიშვნები

ჩოხატაურის მუნიციპალიტეტის 2024 წლის ბიუჯეტის პროექტთან დაკავშირებით

1. ჩოხატაურის მუნიციპალიტეტის მერის მიერ წარმოდგენილი მუნიციპალიტეტის 2024 წლის ბიუჯეტის პროექტი (შემოვიდა 14 ნოემბერს), ხოლო მუნიციპალიტეტის პრიორიტეტების დოკუმენტი, თანდართული ფორმებით (16 ნოემბერი). აღნიშნული არ არის შესაბამისობაში საქართველოს კანონმდებლობასთან და შესაბამის ნორმატიულ აქტებთან;

2. ჩოხატაურის მუნიციპალიტეტის მერის მიერ შემოტანილი მუნიციპალიტეტის 2024 წლის ბიუჯეტის პროექტისა და პრიორიტეტების დოკუმენტის ანალიზის საფუძველზე ირკვევა, რომ 2024 წლის ბიუჯეტის შემოსულობები არარეალურია (მაგ. მე-6 მუხლი - სხვა შემოსავლები ბიუჯეტის პროექტით წარმოდგენილია 4526.0 ათასი ლარი. ანალიზის მიხედვით ირკვევა, რომ გასულ წლებში ამ მუხლით ბიუჯეტში არ შემოსულა 2.000 ათას ლარზე მეტი და სხვ), აქედან გამომდინარე, დასაზუსტებელია საბიუჯეტო ასიგნებები;

3. ბიუჯეტის პროექტში შემოსული მე-19 მუხლი ჩამოყალიბდეს შემდეგი სახით:

-წლიური ბიუჯეტით გათვალისწინებულ ასიგნებებში ცვლილებების ან/და დამატებების შეტანა საჭიროებს მუნიციპალიტეტის ბიუჯეტში ცვლილებების ან/და დამატებების შეტანას;

-ერთი პრიორიტეტიდან სხვა პრიორიტეტზე საბიუჯეტო ასიგნებების გადანაწილება, შეიძლება მხოლოდ დამტკიცებულ წლიურ ბიუჯეტში ცვლილებების შეტანით;

-ერთი პრიორიტეტის ფარგლებში პროგრამებს შორის თანხების გადანაწილება არ უნდა აღმატებოდეს ამ პრიორიტეტისათვის წლიური ბიუჯეტით დამტკიცებული გადასახადების 5%-ს და ამ თანხების გადანაწილება მოხდეს მუნიციპალიტეტის საკრებულოს 2018 წლის 30 მარტის N13 დადგენილების „ჩოხატაურის მუნიციპალიტეტის ბიუჯეტით გამოყოფილი ასიგნებების საბიუჯეტო კლასიფიკაციის მუხლებსა და პროგრამულ კოდებს შორის გადანაწილების წესის დამტკიცების შესახებ“ საფუძველზე;

4. ბიუჯეტის მე-13 მუხლი ჩამოყალიბდეს შემდეგი სახით:

მუნიციპალიტეტის ბიუჯეტით გათვალისწინებული გადასახადების დაფინანსების მიზნით, ჩოხატაურის მუნიციპალიტეტის 2024 წლის სარეზერვო ფონდი განისაზღვროს 150,0 ათასი ლარის ოდენობით და მისი განკარგვა განხორციელდეს ჩოხატაურის მუნიციპალიტეტის საკრებულოს 2019 წლის 7 დეკემბრის N9 დადგენილების „ჩოხატაურის მუნიციპალიტეტის ბიუჯეტის სარეზერვო ფონდის განკარგვის წესის დამტკიცების შესახებ“ შესაბამისად მერის მიერ;

5. მუნიციპალიტეტის ბიუჯეტის პროექტში გათვალისწინებული იქნას:

- ადმინისტრაციულ ერთეულებში წყალსადენების ქსელის მოწყობისა და რეაბილიტაციის სამუშაოებისათვის საბიუჯეტო ასიგნებები;

- სასაფლაოების მოვლა-პატრონობის შენახვის ხარჯები;

- ადგილობრივი სამოქალაქო ორგანიზაციების მიერ განსახორციელებელი პროექტების თანადაფინანსებისთვის საბიუჯეტო ასიგნებები 100 000 ლარის ოდენობით.

6. დაბაში ფაქტიურად არ არსებობს კანალიზაციის სისტემა. 2024 წლის ბიუჯეტში გათვალისწინებული იქნას საკანალიზაციო სისტემის პროექტისათვის, საჭირო თანხის გამოყოფა.

7. ქუჩაში მოხეტიალე უპატრონო ძაღლები, საშიშროებას უქმნის მოსახელობას გადაადგილების დროს, შესაბამისი ღონისძიებების გატარების უზრუნველსაყოფად გათვალისწინებული იქნას თანხების გამოყოფა 2024 წლის ბიუჯეტში.

8. ა(ა).ი.პ სახელოვნებო სკოლების გაერთიანების - სამხატვრო სკოლის სარეაბილიტაციო სამუშაოების საწარმოებლად 2024 წლის ბიუჯეტში გათვალისწინებული იქნას თანხების გამოყოფა.

9. ქალთა ეკონომიკური გაძლიერების (05 05 02) თანხა გაიზარდოს 30 000 ლარამდე, აქედან 10 000 ლარი განისაზღვროს შშმ პირთა დედების მიერ წარმოდგენილი მცირე პროექტების დასაფინანსებლად. 2023 წლის ბიუჯეტით განსაზღვრული იყო 5 000 ლარი, მაგრამ პროგრამის საჭიროებიდან და ბენეფიციართა რაოდენობიდან გამომდინარე საჭირო გახდა ბიუჯეტში ცვლილება და ხარჯი შეადგენდა 9 000 ლარზე მეტს. შესაბამისად საჭიროა ბიუჯეტის მოცულობა გაიზარდოს 10 000 ლარამდე.

10. ქალთა ეკონომიკური გაძლიერების მხარდამჭერი კონკურსის ჩასატარებლად 2024 წლის ბიუჯეტში გათვალისწინებული უნდა იქნას 20 000 ლარი. კონკურსის აქტუალობიდან გამომდინარე და წარმოდგენილი ხარისხიანი პროექტებიდან გამომდინარე, რომელთა დაფინანსებაც ვერ მოხერხდა მცირე ბიუჯეტის გამო, დადგა საჭიროება, რომ კონკურსის ბიუჯეტი 2024 წელს გაიზარდოს 20 000 ლარამდე, მეწარმე ქალთა მხარდაჭერის გაძლიერების მიზნით.

11. 05 00 პროგრამული კოდის დასახელებაში ტექნიკური უზუსტობაა ყველგან დასათაურება უნდა იყოს ამ ფორმით: „კულტურა, რელიგია, გენდერული თანასწორობა, ახალგაზრდული და სპორტული ღონისძიებები.

12. ჩოხატაურის მუნიციპალიტეტის 2024 წლის ბიუჯეტის პროექტში გათვალისწინებული იქნას სოფლის მეურნეობის განხრით მცირე მეწარმეობის განვითარების ხელშეწყობის დაფინანსებისთვის 20 000 (ოცი ათასი) ლარი.

13. სულიკო ჟღენტის სახელობის კინოს სახლის ახალგაზრდულ ცენტრად ადაპტირება იმის გამო, რომ 2023 წელს მუნიციპალიტეტის მიერ სახარჯთაღრიცხვო დოკუმენტაციის შესყიდვისთვის გამოცხადებული ტენდერი ორჯერ ჩაიშალა, ვერ მოხერხდა დოკუმენტაციის შესყიდვა. 2024 წლის ბიუჯეტში, გთხოვთ გაითვალისწინოთ სახარჯთაღრიცხვო დოკუმენტში შესყიდვის თანხა.

14. ცენტრალურ ბიბლიოთეკას პრემიერ მინისტრის პროგრამის „განახლებული რეგიონები“ ფარგლებში ჩაუტარდა ფასადისა და სახურავის რეაბილიტაცია, მაგრამ შიდა სივრცე ითხოვს სასწრაფოდ რეაბილიტაციას. გთხოვთ, გაითვალისწინოთ საპროექტო დოკუმენტაციის თანხა, რათა 2024 წელს მოხდეს ბიბლიოთეკის სრული რეაბილიტაცია.

15. პრემიერ მინისტრის პროგრამის „განახლებული რეგიონები“ ფარგლებში მიმდინარეობს მუნიციპალიტეტის ცენტრის განახლება- რეაბილიტაცია, მაგრამ დუმბაძის ქუჩაზე ჯერჯერობით არ არის განთავსებული საქუჩო ურნები. გთხოვთ, გაითვალისწინოთ 2024 წლის ბიუჯეტში შესაბამისი ფინანსები, რათა მოხდეს შესყიდვა და მონტაჟი ორიგინალური საქუჩო ურნების.

16. საკრებულოს და მერიაში შემოსულია ომის ვეტერანთა თხოვნა წერილი, ისინი ითხოვენ 9 აპრილის პარკში გმირების მემორიალური დაფის განთავსებას, არსებობს ხარჯთაღრიცხვა გთხოვთ, გაითვალისწინოთ 2024 წლის ბიუჯეტში სამუშაოების ჩასატარებლად აუცილებელი თანხები.

17. მუნიციპალიტეტის ცენტრში მიმდინარეობს პრემიერ მინისტრის პროგრამის „განახლებული რეგიონები“ ფარგლებში უპრეცედენტო გამწვანების სამუშაოები, მაგრამ უმეტესწილად მოხეტიალე მხვილფეხა და წრილფეხა პირუტყვი საფრთხეს უქმნის მწვანე ნარგავებს 2024 წლის ბიუჯეტში გთხოვთ გაითვალისწინოთ საჭირო თანხები პრობლემის მოგვარებისათვის.

18. მუნიციპალიტეტის ცენტრის ტერიტორიაზე არის წყლის ინდივიდუალური სოკოები, რომლებიც დაზიანებულია და მთელი დღის განმავლობაში იღვრება წყალი. იხარჯება წყლის რესურსი და მუნიციპალიტეტს უწევს მაღალი გადასახადის გადახდა, გთხოვთ გაითვალისწინოთ 2024 წლის ბიუჯეტში აღნიშნული პრობლემის მოგვარება.

19. მუხლი 02 04 02 საზოგადოებრივი დანიშნულების შენობების რეაბილიტაცია - 100 000 ლარი საჭიროებს დაკონკრეტებას რა სამუშაოები იგეგმება.

20. ბიუჯეტის პროექტის მუხლში 0300 არაფინანსური აქტივობების ზრდა გათვალისწინებულია 270 000 ლარით. განხილვის პროცესში საჭიროებს დაკონკრეტებას.

21. მუხლი 0300 -შრომის ანაზღაურება. კლება 2023 წელთან შედარებით ასევე საჭიროებს განმარტებას.